

Հայաստանի Հանրապետության փաստաբանների պալատի նախագահ Արա Զոհրաբյանի 19.05.2015թ. թիվ 105-Լ որոշմամբ ստեղծվել է **Փաստաբանների պալատի ակումբը** (Այսուհետ՝ Ակումբ):

Ակումբը հասարակական հիմունքներով գործող խորհրդակցական մարմին է, որի նպատակն է՝

ա) փաստաբաններին հետաքրքրող իրավական (ինչպես նաև՝ այլ) հարցերով կազմակերպել քննարկումներ, սեմինարներ, ինչպես նաև կարծիքների ու փորձի փոխանակմանը նպաստող այլ միջոցառումներ:

բ) վեր հանել փաստաբանների մասնագիտական գործունեության ընթացքում առաջացած խնդիրները, դրանց վերաբերյալ կազմակերպել քննարկումներ, ինչպես նաև ՀՀ փաստաբանների պալատի խորհրդին կամ նախագահին ներկայացնել դրանց լուծման վերաբերյալ պատճառաբանված առաջարկներ:

գ) նպաստել փաստաբանների համագործակցությանը, փաստաբանների միջև գործընկերային, ինչպես նաև ոչ մասնագիտական շփումներին (կազմակերպել ոչ պաշտոնական հանդիպումներ),

դ) իրավական քարոզչության միջոցով նպաստել բնակչության իրավագիտակցության մակարդակի բարձրացմանը,

ե) արդյունավետ կազմակերպել փաստաբանների ազատ ժամանակը և հանգիստը:

Ակումբը նպատակների իրականացման համար կարող է փաստաբանների համար կազմակերպել քննարկումներ, սեմինարներ, կլոր սեղաններ և գիտական այլ միջոցառումներ, հեռուստահաղորդումներ, ինչպես նաև այլ միջոցառումներ:

Ակումբի գործունեությունը

1. Ակումբը գործում է ազատ ռեժիմով:

2. Ակումբի համար անդամության պայման չի սահմանվում:

3. Ակումբն իր գործունեությունն իրականացնում է ըստ անհրաժեշտության հրավիրվող նիստերի միջոցով:

4. Յուրաքանչյուր փաստաբան, որի փաստաբանական գործունեության արտոնագիրի գործողությունը կասեցված չէ, կարող է Ակումբի քննարկման հարց առաջադրել՝ նշելով հետաքրքրող խնդիրը, ինչպես նաև խնդրի լուծման հիմնավորումները (առաջարկվող տեսակետ):

5. Ակումբում կազմակերպվող միջոցառումներին կարող են հրավիրվել իրավունքի՝ փաստաբան չհանդիսացող մասնագետները:

ՀՀ փաստաբանների պալատի նախագահ Արա Զոհրաբյանի 14 հուլիսի 2015թ.թիվ 198-Ա որոշմամբ Ակումբի համակարգող է նշանակվել փաստաբան **Մարինե Ֆարմանյանը**:

Բեռնել Հայաստանի Հարապետության փաստաբանների պալատի ակումբի գործունեության կարգը